

Exodus

שמות

16 ויסעו מאילם ויבאו כל-עדת בני-ישראל
 אל-מדבר-סין אשר בין-אילם ובין סיני בחמשה עשר יום
 לחדש השני לצאתם מארץ מצרים: **וילינו** וילינו כל-עדת
 בני-ישראל על-משה ועל-אהרן במדבר: ויאמרו אלהם
 בני ישראל מי-יתן מותנו ביד-יהוה בארץ מצרים בשבתנו
 על-סיד הבשר באכלנו לחם לשבע כי-הוצאתם אתנו
 אל-המדבר הזה להמית את-כל-הקהל הזה ברעב: ויאמר
 יהוה אל-משה הנני ממטיר לכם לחם מן השמים ויצא
 העם ולקטו דבר-יום ביומו למען אנסנו הילך בתורתך
 אם-לא: והיה ביום הששי והכינו את אשר-יביאו והיה
 משנה על אשר-ילקטו יום | יום: ויאמר משה ואהרן
 אל-כל-בני ישראל ערב וידעתם כי יהוה הוציא אתכם
 מארץ מצרים: ובקר וראיתם את-כבוד יהוה בשמעו
 את-תלנתיכם על-יהוה ונחנו מה **תלנו** תלנו
 עלינו: ויאמר משה בתת יהוה לכם בערב בשר לאכל
 ולחם בבקר לשבע בשמע יהוה את-תלנתיכם אשר-אתם
 מלינים עליו ונחנו מה לא-עלינו תלנתיכם כי על-יהוה:

 End of Exodus 16:1 - 16:8

Date: 2017.10.06-21.13